



EUROPEAN COURT OF HUMAN RIGHTS  
COUR EUROPÉENNE DES DROITS DE L'HOMME

ՀՈՐՐՈՐԴ ԲԱԺԱՆՄՈՒՆՔ

**ՄԻՔԱՅԵԼՅԱՆՆ ԸՆԴԴԵՄ ՀԱՅԱՍՏԱՆԻ**

*(գանգադ թիվ 40604/17)*

ՎՃԻՌ

ԱՏՐԱՄՐՈՒՐԳ

26 սեպտեմբերի 2024թ.

*Սույն վճիռը վերջնական է, սակայն կարող է ենթարկվել  
խմբագրական փոփոխությունների:*

COUNCIL OF EUROPE



CONSEIL DE L'EUROPE

**Միքայելյանն ընդդեմ Հայաստանի գործով,**

Մարդու իրավունքների եվրոպական դատարանը (Չորրորդ բաժանմունք),  
հանդես գալով Կոմիտեի հետեյալ կազմով՝

Բրանկո Լուբարդա [Branko Lubarda]՝ Նախագահ,

Էն Լուիս Բորմանն [Anne Louise Bormann],

Սեբաստիան Ռադուլեթու [Sebastian Rădulețu]՝ դատավորներ,

եւ Վիկտորիա Մարադուդինա [Viktoriya Maradudina]՝ *Բաժանմունքի քարտուղարի տեղակալի պաշտոնակատար,*

2024 թվականի սեպտեմբերի 5-ին անցկացնելով դռնփակ խորհրդակցություն,

կայացրեց հետեյալ վճիռը, որն ընդունվեց նույն օրը.

**ԸՆԹԱՑԱԿԱՐԳԸ**

1. Սույն գործը հարուցվել է «Մարդու իրավունքների եւ հիմնարար ազատությունների պաշտպանության մասին» կոնվենցիայի (Կոնվենցիա) 34-րդ հոդվածի համաձայն ընդդեմ Հայաստանի՝ 2017 թվականի մայիսի 30-ին Դատարան ներկայացված գանգառի հիման վրա:

2. Դիմումատուին ներկայացրել է Վանաձորում գործող իրավաբան տկն Ա. Չատինյանը:

3. Հայաստանի Հանրապետության կառավարությունը (Կառավարություն) ծանուցվել է գանգառի մասին:

## ՓԱՍՏԵՐԸ

4. Դիմումատուի վերաբերյալ մանրամասները եւ գանգատին վերաբերելի տեղեկությունները ներկայացված են կից աղյուսակում:

5. Դիմումատուն բողոք է ներկայացրել կալանավորման համար հիմնավոր եւ բավարար պատճառների բացակայության մասով: Նա նաեւ այլ բողոքներ է ներկայացրել Կոնվենցիայի դրույթների համաձայն:

## ԻՐԱՎՈՒՆՔԸ

### 1. **ԿՈՆՎԵՆՑԻԱՅԻ 5-ՐԴ ՀՈԴՎԱԾԻ 3-ՐԴ ԿԵՏԻ ԵՆԹԱԴՐՅԱԼ ԽԱԽՏՈՒՄԸ**

6. Դիմումատուն մասնավորապես բողոք է ներկայացրել կալանավորման համար հիմնավոր եւ բավարար պատճառների բացակայության մասով: Նա հիմնվել է Կոնվենցիայի 5-րդ հոդվածի 3-րդ կետի վրա:

7. Դատարանը կրկին նշում է, որ Կոնվենցիայի 5-րդ հոդվածի 3-րդ կետին համապատասխան իր ձեավորված նախադեպային իրավունքի համաձայն՝ հիմնավոր կասկածի շարունակական առկայությունն առ այն, որ ձերբակալված անձը կատարել է հանցանք, շարունակական կալանքի իրավաչափության համար sine qua non (պարտադիր պայման) է, սակայն որոշ ժամանակ անց այն դառնում է ոչ բավարար: Նման դեպքերում Դատարանը պետք է պարզի, թե արդյոք դատական մարմինների կողմից ներկայացված այլ հիմքերով շարունակվում է հիմնավորված լինել ազատությունից զրկելը: Եթե այդօրինակ հիմքերը «հիմնավոր» եւ «բավարար» են, ապա Դատարանը նաեւ պետք է հավաստիանա, թե արդյոք վարույթն իրականացնելիս իրավասու ազգային մարմինները դրսեւորել են «պատշաճ ջանասիրություն»: Դատարանը նաեւ վճռել է, որ կալանքի ցանկացած ժամկետի համար հիմնավորումը՝ անկախ

## ՄԻՔԱՅԵԼՅԱՆՆ ԸՆԴԴԵՄ ՀԱՅԱՍՏԱՆԻ ԳՈՐԾՈՎ ՎՃԻՌ

դրա կարճ լինելու հանգամանքից, պետք է համոզիչ ձեռով ապացուցվի մարմինների կողմից: Անձին ազատ արձակելու կամ կալանավորելու մասին որոշում կայացնելիս մարմինները պարտավոր են դիտարկել այլընտրանքային միջոցներ՝ դատաքննությանը նրա ներկայությունն ապահովելու համար: Ողջամիտ կասկածի առկայությունից բացի՝ դատական իշխանություն իրականացնող պաշտոնատար անձի կողմից կալանավորման համար «հիմնավոր» եւ «բավարար» պատճառներ ներկայացնելու պահանջն արդեն իսկ կիրառվում է նախնական կալանք նշանակելու մասին առաջին որոշումը կայացնելու ժամանակ, այսինքն՝ ձերբակալելուց «անմիջապես» հետո (տե՛ս, ի թիվս այլ վճիռների, *Բուզաջին ընդդեմ Մոլդովայի Հանրապետության* [ՄՊ] [*Buzadji v. The Republic of Moldova* [GC]] գործը, թիվ 23755/07, §§ 87 եւ 102, 2016 թվականի հուլիսի 5):

8. Արա Հարությունյանն ընդդեմ Հայաստանի (թիվ 629/11, §§ 54, 59, 2016 թվականի հոկտեմբերի 20) նախադեպային գործում Դատարանն արդեն խախտում է հայտնաբերել սույն գործում առկա նմանատիպ հարցերի առնչությամբ:

9. Դատարանը, ուսումնասիրելով իրեն ներկայացված բոլոր նյութերը, չի հայտնաբերել սույն բողոքի ընդունելիության կամ էության վերաբերյալ այլ եզրակացության հանգելու համար համոզիչ փաստեր կամ փաստարկներ: Հաշվի առնելով թեմայի վերաբերյալ իր նախադեպային իրավունքը՝ Դատարանը համարում է, որ սույն գործում ներպետական դատարանները դիմումատուի մինչդատական կալանքի համար չեն տրամադրել հիմնավոր եւ բավարար պատճառներ:

10. Հետեւաբար սույն բողոքն ընդունելի է եւ բացահայտում է Կոնվենցիայի 5-րդ հոդվածի 3-ին կետի խախտում:

**II. ՁԵՎԱՎՈՐՎԱԾ ՆԱԽԱԴԵՊԱՅԻՆ ԻՐԱՎՈՒՆՔԻ ՀԱՄԱՁԱՅՆ ՆԵՐԿԱՅԱՑՎԱԾ ՄՅՈՒՍ ԵՆԹԱԴՐՅԱԼ ԽԱԽՏՈՒՄՆԵՐԸ**

11. Դիմումատուն ներկայացրել է այլ բողոք, որով հարցեր են բարձրացվել նաեւ Կոնվենցիայի 5-րդ հոդվածի 5-րդ կետի համաձայն՝ հաշվի առնելով Դատարանի համապատասխան ձեւավորված նախադեպային իրավունքը (տե՛ս կից աղյուսակը): Կառավարությունը ներկայացրել է, որ Կոնվենցիայի 5-րդ հոդվածի 5-րդ կետի խախտում չի եղել՝ պնդելով, որ դիմումատուն ներպետական օրենսդրության համաձայն իրավունք ուներ հետամուտ լինելու, որ ճանաչվեր Կոնվենցիայի 5-րդ հոդվածով երաշխավորված իր իրավունքների խախտումը եւ այդ առնչությամբ փոխհատուցում պահանջելու՝ 2014 թվականին ներկայացված օրենսդրական փոփոխություններից հետո: Դատարանը, այնուամենայնիվ, նկատում է, որ Կառավարությունը չի հիմնավորել իր փաստարկները ներպետական գործելակերպի որեւէ օրինակով՝ դիմումատուի կոնկրետ գործով բարձրացված խնդիրների առնչությամբ (համեմատել՝ Վարդան Մարտիրոսյանն ընդդեմ Հայաստանի գործը, թիվ 13610/12, §§ 73-74, 2021 թվականի հունիսի 15): Հետեւաբար այն չի գտնում սույն գործով այլ եզրակացության հանգելու որեւէ հիմք: Ուստի սույն բողոքը Կոնվենցիայի 35-րդ հոդվածի 3-րդ կետի «ա» ենթակետի իմաստով ոչ ակնհայտ անհիմն է, ոչ էլ անընդունելի որեւէ այլ հիմքով: Դատարանը, ուսումնասիրելով իր մոտ առկա բոլոր նյութերը, եզրակացնում է, որ դրանք նաեւ բացահայտում են Կոնվենցիայի խախտումներ՝ *mutatis mutandis* (համապատասխան փոփոխություններով) Խաչատրյանը եւ այլք ընդդեմ Հայաստանի [*Khachatryan and Others v. Armenia*] (թիվ 23978/06, §§ 155-159, 2012 թվականի նոյեմբերի 27) եւ Վարդան Մարտիրոսյանի (վերելում հիշատակված, §§ 70, 75) գործերով իր եզրահանգումների լույսի ներքո:

III. **ԿՈՆՎԵՆՑԻԱՅԻ 41-ՐԴ ՀՈԴՎԱԾԻ ԿԻՐԱՌՈՒՄԸ**

12. Հաշվի առնելով իր տրամադրության տակ եղած փաստաթղթերը եւ Դատարանի նախադեպային իրավունքը (տե՛ս մասնավորապես վերելում հիշատակված՝ *Արա Հարությունյանի* գործը, § 66), Դատարանը ողջամիտ է համարում շնորհել կից աղյուսակում նշված գումարները:

**ԱՅՍ ՀԻՄՆԱՎՈՐՄԱՄԲ ԴԱՏԱՐԱՆԸ ՄԻԱՁԱՅՆ՝**

1. *Հայտարարում է* գանգատն ընդունելի.

2. *Վճռում է*, որ սույն գանգատով բացահայտվում է Կոնվենցիայի 5-րդ հոդվածի 3-րդ կետի խախտում՝ կալանավորման համար հիմնավոր եւ բավարար պատճառների բացակայության առնչությամբ.

3. *Վճռում է*, որ Դատարանի ձեւավորված նախադեպային իրավունքի համաձայն ներկայացված մյուս բողոքի մասով տեղի է ունեցել Կոնվենցիայի խախտում (տե՛ս կից աղյուսակը).

4. *Վճռում է, որ՝*

ա) պատասխանող պետությունը երեք ամսվա ընթացքում պետք է դիմումատուին վճարի կից ներկայացված աղյուսակում նշված գումարները, որոնք պետք է փոխարկվեն պատասխանող պետության արժույթով՝ վճարման օրվա դրությամբ գործող փոխարժեքով,

բ) վերոնշյալ եռամսյա ժամկետի ավարտից հետո՝ մինչեւ վճարման օրը, պետք է հաշվարկվի վերոնշյալ գումարների նկատմամբ պարզ տոկոսադրույք՝ չկատարման ժամանակահատվածում Եվրոպական կենտրոնական բանկի սահմանած՝ լոմբարդային ռեպոյի տոկոսադրույքի չափով՝ գումարած երեք տոկոսային կետ:

**ՄԻՔԱՅԵԼՅԱՆՆ ԸՆԴԴԵՄ ՀԱՅԱՍՏԱՆԻ ԳՈՐԾՈՎ ՎՃԻՌ**

Կատարված է անգլերենով եւ գրավոր ծանուցվել է 2024 թվականի սեպտեմբերի 26-ին՝ համաձայն Դատարանի կանոնակարգի 77-րդ կանոնի 2-րդ եւ 3-րդ կետերի:

Քարտուղարի տեղակալի պաշտոնակատար՝  
Նախագահ՝

Վիկտորիա Մարադուդինա  
Բրանկո Լուբարդա

**ՄԻՔԱՅԵԼՅԱՆՆ ԸՆԴԴԵՄ ՀԱՅԱՍՏԱՆԻ ԳՈՐԾՈՎ ՎՃԻՌ**

**ՀԱՎԵԼՎԱԾ**

Կոնվենցիայի 5-րդ հոդվածի 3-րդ կետի համաձայն ներկայացված բողոքներ պարունակող գանգատ  
(կալանավորման համար հիմնավոր եւ բավարար պատճառների բացակայությունը)

Գանգատ թիվ Ներկայացման ամսաթիվը	Դիմումատուի անունը Ծննդյան տարեթիվը	Ներկայացուցչի անունը եւ գտնվելու վայրը	Կալանավորման ժամկետը	Դատարանը, որը կայացրել է կալանավորման մասին որոշում/քննել է բողոքը	Հատուկ թերությունները	Ձեռավորված նախադեպային իրավունքի համաձայն ներկայացված այլ բողոքներ	Ոչ նյութական վնասի դիմաց դիմումատուներից յուրաքանչյուրին շնորհվող գումարը (Եվրոյով) <sup>1</sup>	Յուրաքանչյուր գանգատի դիմաց ծախսերի եւ ծախքերի համար շնորհվող գումարը (Եվրոյով) <sup>2</sup>
40604/17 2017 թվականի մայիսի 30	<b>Գագիկ ՄԻՔԱՅԵԼՅԱՆ</b> 1984թ.	Անի Չատինյան Վանաձոր	2016 թվականի սեպտեմբերի 2-ից 2017 թվականի փետրվարի 2	Երեւանի Արաբկիր եւ Քանաքեռ- Զեյթուն վարչական շրջանների դատարան  Վերաքննիչ քրեական դատարան	դատարանների կողմից բերված պատճառների թույլ բնույթը	Հոդված 5 (5) <sup>1</sup> Կոնվենցիայի 5-րդ հոդվածի 3-րդ կետի խախտման համար փոխհատուցման բացակայություն կամ անբավարար փոխհատուցում	2,000	250

<sup>1</sup> Գումարած դիմումատուից գանձման ենթակա ցանկացած հարկ:

<sup>2</sup> Գումարած դիմումատուից գանձման ենթակա ցանկացած հարկ: